

ORATIONES ET ANTIPHONÆ PROPRIÆ  
DOM. I. POST OCT. TRIN. ET DEINCEPS DOMINICIS  
USQUE AD ADVENTUM DOMINI DICENDÆ.

DOMINICA I. POST OCT. TRINITATIS.

Oratio.

**P**ROTECTOR in te sperantium Deus, sine quo nihil est  
válidum, nihil sanctum ꝛ multíplica super nos miseri-  
córdiam tuam : ut te rectóre, te duce, sic transeámus per  
bona temporália ꝛ ut non amittámus ætérna : Per.

Ad Magnif.

Ant.

vj. toni.

QUÆ mú-li-er habens drachmas decem,

et si perdí- derit drachmam unam, nonne accéndit

lucér- nam, et evérrit domum, et quærit di- ligénter,

donec invéni-at? Cant. Magní- ficat. e u ó u a e.

DOMINICA II. POST OCT. TRINITATIS.

Oratio.

**D**A nobis, quæsumus Dómine, ut et mundi cursus paci-  
fice nobis tuo órdine dirigátur ꝛ et Ecclésia tua  
tranquilla devotióne lætétur : Per.